

同治丙寅修

鄭縣志

文昌宮藏版

同治丙寅修

鄭縣志
(下)

文昌宮藏版

《鄢县志》（同治丙寅版）

准印证 鄂十鄢图内字（一九九八）第二十一号

版次 一九九八年十二月第二版

印次 一九九八年十二月第二次印刷

鄢县电脑印——1000

工本费 六十五元

（内部发行）

董有聲河津舉人順治初任時王光泰等叛與監司劉開文同知劉璇推官孫振揚同時遇害

呂秉忠字近槐遼東副榜順治初任時王光泰叛後民不聊生秉忠撫綏靜鎮嚴守禦飭軍伍民乃漸安

李燦然字含章涇州拔貢順治間任時西山不靖大兵進剿燦然水陸轉餉士馬飽騰而民亦不累後以忤上官被謫鄖民遮道跪送號呼震野

張文星字煥宸新樂拔貢康熙初任修府學正先賢先儒位次六曹利弊釐敷殆盡

劉作霖字慰三武清舉人康熙閒任葺城墉恤災黎賢聲四溢會楊謝等叛大府進勦猶豫霖撰進取房陵五議無何以積勞卒民哭之爲立碑作霖雅耽文史雖軍書旁午猶蒐輯郡乘知府楊廷耀續成之

朱案字萊孺高唐州進士康熙閒任郡舊有武陽龍門二堰歲久圯民失水利案捐俸修築民爲建生祠於堰側公餘詣明倫堂講學或造田閒勸農飭各屬清查奸盜禁革加派郡中翕然稱治卒於官祀名宦

黃焜漢軍監生康熙五十五年任聽斷明允鄖縣民以

武陽堰水構訟不已焜親詣勘量種計水分大小限
口三堰之田同流合灌民利之焜自爲記詳藝文

王采珍濱州進士乾隆三十六年任縣學前逼市肆傍
環民舍基日侵削采珍集士民勘之得還舊址乃作
櫺星門泮池繚以垣墉規模始闢有記詳藝文

曾恒德號省軒福建籍山東嘉祥舉人乾隆四十六年
由刑部郎任操守清嚴修鄖山書院親爲督課以宦
游所蓄經籍儲其中倡修學宮後調荆守引疴去平
生善書法習刑名刊有律表及滋蕙堂法帖行世

王正常四川進士號方山乾隆六十年任規模闊大識見老成文事武備兼擅其長嘉慶丙辰教匪倡亂郡城四鄉習教者甚夥先事預防內患潛消閒率兵勇勦賊各屬深山窮谷無處不到從戎馬倥傯中徵文考獻著府志二十餘萬言六年以平賊功陞襄陽道至今父老追話當年猶嘖嘖稱道

李義文鑲紅旗人道光二年任時書院初設公慎延山長循循善誘文風丕振每屆秋闈捐廉資給六縣諸生卷價後陞四川布政使司

崇善瀋陽正白旗人由蔭生道光九年任十二年值大水礮岸城垣坍塌數十丈勸士民修築明年春大饑人相食公捐廉賑卹一時義紳張良治徐輝廷王玉亭等翕然相從自二月至麥秋凡全活數千人後調任武昌士民建祠祀之

陳天澤侯官進士道光十八年任慈祥愷悌有召杜遺風在任病故孀妻遺孤飢粥不繼道光二十年奉

旨入祀名宦

但明倫貴筑翰林道光二十一年任風度峻整洩任五

月百廢俱修後陞兩淮鹽運使司

李兆元山西舉人道光二十四年任剛介勤明案無留
牘六閱月解任去人思慕之

恩祥旗人咸豐五年任六年襄陽土匪竄鄖公督飭兵
勇防堵嚴密賊不敢犯後陞四川道

靳如匯山西介休廩貢咸豐七年任清廉剛毅士民愛
戴後在任病故

李宗燾陝西盩厔翰林咸豐九年任廉正慈祥值書院
廢弛公捐廉按月課試復清理地租一時好義者率

捐產以資膏火書院之廢而復興自公始十年調任武昌

明同知

石海陝西舉人宏治初任時郡丞新設經制規式悉其所定

張直山陰舉人嘉靖閒任時川寇突發殺竹谿主簿直奉令入山討之渠魁授首餘黨悉平

方純仁號璧悟婺源人嘉靖閒任置府學樂器又清理軍屯軍民兩無所累

江萬仞字若度號達泉晉江進士萬厯初任時奉文清
丈田畝一秉大公強者不得欺隱弱者復還故物
顧起淹字師范號藏吾吳縣進士萬厯閒任盡心庶務
恆以忠義勉人去後人甚思之

孟師文澤州官生萬厯閒任清理屯衛不刻不縱軍民
貼服

胡柟字隆棟號再培洵陽舉人萬厯閒任會梅溪河呂
思暘鄧天君等劫掠拒傷官軍撫治檣柟督捕偵賊
出沒銜枚直搗其巢擒渠魁餘孽解散

國朝

胡養忠字抒赤遼東貢生順治閒以邯鄲道降鄖丞司
鄖糧餉不盈不歉尋署襄巡篆詳請兵糧就鄖倉關
支至今稱便

商永傑字萬先洛陽舉人康熙初任廉靜無私公庭常
閒署府篆亦以簡恕理之

呂朝佐遼東人康熙閒任時兵燹後人物凋殘厯署房
縣鄖西以寬馭民鎮靜不擾二邑誦保赤焉

李慶祖滿洲人康熙閒任時營兵裁屢脫巾其勢汹汹

慶祖德威相濟一切軍餉唱名散給罔敢虛冒羣情
懾服無敢譁者

明通判

梁穀東坪州進士正德閒任敦崇學校以作育爲務時
人多所裁成

趙瀛三原進士嘉靖閒任嚴定保甲又飭捕巡邏四郊
內賊不生外盜不入由是雞犬無驚旅可晚行

唐時雨號方溪莆田舉人嘉靖閒任優文學政務之暇
憑几訓教如師弟子稱唐先生

郭禧號蘭谷華陽舉人隆慶初任廉介春恬庭無私謁
長官重之

程允中號巽泉濟陽舉人隆慶初任揀精壯充捕手作
牙牌三寸許鐫年貌姓氏懸衣裏潛行蹤跡見匪卽
擒付所司治之四境宴然

鄒起元字誠卿號松坡無錫舉人隆慶閒任覃精明理
有藻鑑善知人寮屬士子一見不忘斷生平事百不
失一

周斯美字子曲號充吾甯州舉人萬厯初任時有清丈

之役均平明察吏胥莫敢高下其手

陳萬言字汝嘉號遇泉錦衣衛進士萬厯初任尊嚴持重臨民以莊吏役侍立終日無敢跛踦者

張宗孔祥符舉人萬厯閒任署府篆有誣姦殺一家六命者獄久不決蓋死者居濱河秋水暴漲猝被沖害也宗孔廉得其狀立釋之闔郡稱神

國朝

張四維字國風薊州拔貢順治閒任眉宇闊疎飄飄逸舉時光泰亂後城垣頽圯四維攝鄖縣身率修葺不

三旬告成又以民多茆居令戶備水籤置水桶一有警各持水救不如命者懲之自是無火患

仇昌祚字振先曲沃恩貢康熙初任時郝永忠亂昌祚在房縣香溪轉餉一年旋鄖修府縣學宮纂鄖志類編尋遷潮州同知會總兵劉進忠叛被執逼受僞官不屈事平授惠湖兵備道卒祀鄉賢所著有漪園文集

許文耀海澄貢生康熙閒任時楊來嘉據房縣當事檄文耀往撫比至以順逆利害反覆喻之賊不從文耀

大罵而出遂被害事平

詔恤

宋瑾遼東人康熙閒任時洪福等叛據竹房閒瑾督運糧餉協力守城心力交瘁民獲安靖

孫寅錢塘貢生康熙閒任始郎令侯世忠欲設義學置房壹所尋去任不果行二十八年寅與署郎守江閩捐俸延師士子無書籍者捐給之閩貴陽人知弋陽縣有聲以課最擢均州曾署郎守畱心風教有郎陽府志補遺今不存